

Buletin FKA

PENGAJIAN KEJURUTERAAN AWAM

UNIVERSITI TEKNOLOGI MARA CAWANGAN PULAU PINANG

EDISI 2022



UNIVERSITI
TEKNOLOGI
MARA

Cawangan Pulau Pinang
Kampus Permatang Pauh

eISSN 2716-6325



9 772716 632004

Diterbitkan pada 15 Oktober 2023

Akhirnya Bertentang Mata...

Oleh: Ts Ir Noraziyen Abd Aziz dan Noor Syafeekha Mohamad Sakdun

Setelah beberapa tahun menyambut kedatangan pelajar hanya di alam maya, kini Pengajian Kejuruteraan Awam (PKA) sekali lagi berpeluang untuk bertentang mata dengan semua pelajar. Pada Oktober 2022, Academic Advisory Unit (AAU) dengan kerjasama kelab pelajar, Penang Civil Engineering Student's Society (PCES) telah menganjurkan tiga perjumpaan bersama pelajar PKA.

Perjumpaan pertama ialah Taklimat Pelajar Baru bagi program Diploma Kejuruteraan Awam (CEEC110) pada 3 Oktober 2022 di Dewan Kuliah Perdana 1. Ketua Pusat Pengajian, Dr Hj Anas Ibrahim telah memberi kata-kata aluan meyambut baik kedatangan 96 orang pelajar baru CEEC110 pada semester ini. Pelajar juga telah diberi taklimat berkaitan pelan pengajian dan pendaftaran subjek oleh Koordinator Program CEEC110, En Mohd Zaini Bin Endut. Taklimat diteruskan oleh AAU dengan pembahagian pelajar kepada Penasihat Akademik (PA) masing-masing.



Taklimat Pelajar CEEC110 kemasukan Semester Oktober 2022



Taklimat Pelajar CEEC221 kemasukan Semester Oktober 2022

Perjumpaan seterusnya ialah Taklimat Pelajar Baru bagi program Ijazah Kejuruteraan Awam (CEEC221) pada 14 Oktober yang diadakan di Dewan Kuliah Perdana 1. PKA telah menerima 166 orang bagi pelajar program CEEC221. Selain kata aluan dari Pengurusan Tertinggi PKA, taklimat juga berkisarkan program dan pelan pengajian CEEC221 yang telah disampaikan oleh Koordinator Program CEEC221 iaitu Ts Dr Muhamad Faizal Bin Pakir Mohamed Latif.



Taklimat Pelajar PKA bersama Penasihat Akademik di Dewan Besar

Akhir sekali merupakan perjumpaan wajib yang diadakan pada setiap awal semester iaitu Taklimat Pelajar PKA yang diadakan pada 21 Oktober 2022 di Dewan Besar UiTM CPP. Taklimat ini melibatkan 956 orang pelajar CEEC110 dan CEEC221 bersama-sama 86 orang PA yang terdiri daripada pensyarah PKA. Perjumpaan ini terdiri daripada beberapa sesi taklimat iaitu amanat dan harapan dari Pengurusan Tertinggi PKA, taklimat ringkas dan padat dari Unit Safety, Unit OBE dan juga sesi bersama Alumni atau Industri.



Sesi penyampaian sumbangan laptop kepada pelajar yang terpilih oleh THB Maintenance SDN BHD

Perjumpaan kali ini amat bermakna kerana terdapat sumbangan laptop istimewa untuk tiga orang pelajar PKA yang terpilih dari pihak THB Maintenance SDN BHD (THBM). THBM telah diwakili En Mohd Tarmizi Bin Che Othman untuk sesi penyampaian laptop kepada pelajar. Suasana dewan bertambah meriah dengan gelak ketawa pelajar ketika sesi bersama PCES untuk cabutan bertuah. Semoga ukhwah antara pelajar dan PA semakin erat dengan kembalinya perjumpaan fizikal ini.



Pengurusan Tertinggi PKA dan barisan Majlis Tertinggi Kelab PCES bersama tetamu THB Maintenance SDN BHD, En Mohd Tarmizi Bin Che Othman



Penggerak utama yang menjayakan semua perjumpaan pelajar PKA iaitu Academic Advisory Unit (AAU) dengan kerjasama Kelab Penang Civil Engineering Student's Society (PCES)